

四庫全書

集部

欽定四庫全書

御製詩三集卷九十二

古今體一百七首

庚寅八

賜百有十二歲老人王世芳

有序

乙酉春南巡至浙江世芳以遂昌訓導迎鑾年已  
百有七矣躋上壽而神明不衰特書黻席期頤額  
以賜並加六品秩榮其身今年以朕六旬慶節詣  
闕稱祝計其齒復益五齡而康彊如昔迺詔錫國

子監司業銜且予在籍食俸示優老也國家熙洽  
百有餘年太和之氣蔚為耆儒用徵壽世固史冊  
所罕覲彼稱明歲復來京師恭祝

慈寧八袞萬壽人瑞延洪式光慶典又豈香山九老所  
得差肩者哉因賜是詩以寵異之

書扁曾因賜幸杭誠心跋涉別江鄉齊年已似鍾離顧  
梁鍾離人顧思遠百十二歲有子十二人今王世芳年與之齊孫曾且七世矣飲乳還嗤陽武

張晉秩依然司訓迪優恩將以益綿長定知明歲率羣

老純嘏鴻禧祝

壽康

長春園題句

有序

山水符樂壽之徵興隨所遇日月引壺洲之景春  
與俱長迺拓餘地於御園爰效嘉名於仙館顧當  
年之

賜號時切體元籌他日之安居茲惟卜始波通福海東  
孺旭麗扶桑垣亘清河北陌香浮華黍列縹緗以

娛志堂啟含經撫翰墨以怡神軒成淳化思永勵  
始終如一式是齋乎開襟而氣象盈千登斯樓也  
他若某邱某壑境足賞心有榭有亭勝堪寓目每  
幾暇竭來游憩擬耄期恒此頤恬以紀元六十載  
為衡積願笑惟奢望從周甲廿五年而計勗勤敢  
有倦心儼以弁言系之長律

長春非敢

暢春倅

暢春園在圓明園之南  
祖所建今奉

皇太后居之

即景名園亦

有由

賜號當年例仙館

長春仙館為圓明園四十景之一雍正年間賜居也即以當年

賜號倦勤他日擬菟裘

予有夙願若至乾隆六十年壽登八十五彼時亦應歸政故鄰

圓明園之東豫脩此園為他日優游之地雖屬侈望然果得如此亦國家景運之隆天下臣民之慶也培

松拱把龔鱗老留石平心待白酬廿五春秋仍訪誌

今歲

六旬屈指果得歸政尚當二十五年然一日臨蒞矢不敢少懈此敬勤之志必居此園時然後可息肩娛老耳

耄期歲月合優游

題淳化軒

閣帖欣猶善本全幾餘考訂為重鐫墨華輝映題軒扁  
石刻珍藏嵌壁甄閱古於焉閱歲月賞心何異賞雲煙

頤居倘得遂初願

內府藏有淳化閣帖初搨既為訂正重刻因於含經堂後迴廊分嵌石幅

廊之中拓為是軒即以帖名名之若紀元得至六十則壽登八十五彼時當歸政居此果如所願得以翰墨靜娛誠至樂也

陶寫端知勝管絃

### 待月樓

樓高為待月先臨東壁飛來涼滿襟却是大千人盡望

一輪安得稱

去聲人心

三友軒

禁中三友軒額為去聲藏名蹟園中三友軒窓外真培植

名實雖不同要以取有益寓意非玩物向曾詠其德舊題

三友軒詩以松喻直梅喻諒竹喻多聞並就其德性推言之

益常願居前損則應離

側三者正相反求友可不擇於恒總宜謹況在躬為辟

題素心堂

素心我實有非無却較泉明高尚殊陶淵明詩聞多素心人常畏

民岩與



天命所師二典及三謨祈年曾弗間去聲終始食旰那遑  
惜劬設以懷人寓深意亦其稀矣亦增吁

理心樓

書屋名理心問心云何理尋思非由外仍由心內耳顏  
淵問為仁曰克己復禮已似外物誘克則從衷矣至於  
禮之復實復心本始不敏請事斯吾願學顏子

張弘秋山紅樹

秋山猶餘綠秋林漸染紅水閣坐畸人鬚鬢颯秋風流

泉落平溪白雲半嶺封其上飛銀龍擘峽勢獨雄委固  
弗可測源固弗可窮騁望屬念者夫誰識其衷

雨

八月初  
四日

弗雨已逾旬秋雲曉布勻濯枝承細霏潤葉灑芳津寒  
入棉衣試時餘竹帙親既霑思霽好慶典肇明晨

晴

夜報雲容散曉看曦影披若時暘雨叶切已敬恭滋舟  
迓

思齋豫隄排百爾寅

是日恭奉侍宴因命入預慶典之王公大臣

皇太后至同樂園

等並來賀諸外藩及年班回部排列岸旁跪迎

鳳舸

稱觴聚

五世額手沐

天禧

仲秋悅心殿

慶辰行禮奉

慈寧山殿聊因路便停恒侍

康強心有悅謹承

溫清視無形波翻太液俯階見風颿銀河平牖聽郊外  
適纔觀銍艾潦餘旋轉賴

圓靈

抱沖室

山北此書室古香貯靜芬亦時資探秘何有踐尊聞砌  
茁鷄冠蕊窓含螺黛紋沖懷胥欲抱義更切為君

延佳精舍

氣肅天高秋景颯西成平秩此為佳延來山景非不美

曾未於斯一繫懷

鄰山書屋

假山數百餘年久久假烏知非故有書屋倚巖不計寬  
忘筌真似居林藪行將蹕駐避暑莊玉岑精舍

山莊內  
書屋名

當憑牖忽然自笑失拘墟真假評量有是否

畝鑑室口號

對來剛喜不波瀾照物初非預設端莫訝鑑材纔得畝  
較于方寸尚為寬

得性樓

性固人人具而能全者稀弗全斯為失所以貴得之用  
是額斯樓觸目會心宜然非由外來復性書示幾設云  
供攬結千里謬毫釐

古遺堂

明之瓊華島元之萬歲山簣土自弗移稱謂從改刪古  
殿變滄桑今堂枕孱顏而山猶古遺額堂興偶關後視  
今猶昔不改者本間

戀影亭

山陰一笠亭恰與山相向山南液池北流峙景殊狀取  
之無不宜契矣胥增暢山容與水態交暎如揖讓戀影  
訝在檐諦視漪瀾漾

戲題鏡藻軒

引注活水為止水書軒階砌近尺咫憑檻鬚眉都鑑之  
開奩明鏡堪相擬何來藻荇梳其中訝似承天玉局比  
雖然頗類謝重言故應戲誚王道子

澹吟室

靜室秋池俯澹然呈鏡空因心惟愛澈得句不期工  
翡翠蘭苔上鯨魚碧海中為文哂輕薄子美我心同

致爽樓

假山之上構書樓山下波光几席浮不必披襟言致爽  
金風玉露已中秋

萬善殿

古砌猶存栢今園不見蕉正名去書室

舊時遊小內監  
十餘人讀書於



此且有教習督課之昨以書館與僧寮相混於體非宜因移置他處設色煥禪寮無暇叅

白業有欣對碧霄精藍息心處漫與問前朝

朗心樓

窓延爽籟座凌虛偶坐惟因幾暇餘北俯液池澄到底  
印來秋月朗相如

題鄒一桂山水

致仕返家鄉寫圖貢闈間相招至朋友惟與話蠶桑筆  
共江山老身非蒲柳強欣茲六法繪却勝九如章

一桂  
家居

以六旬慶  
禮進此圖

詠商銅如意

一柄曲拳代談者璘玢古色錯金銀

金銀錯始於商代此器疑其時所製

誰知子氏猶尚質已有欣於如意人

詠龍泉盤子

有序

向侍衛自吐魯番迴者曾携一盤至亦既有詩紀  
事此盤乃霍罕所貢霍罕安集延部類相近而霍  
罕為之長舊伯克額爾德尼今其姪納祿博圖龍

為伯克其地蓋遠於吐魯番數倍使使者貢萬壽  
並告新用事因成是什錄實

古宋龍泉世頗稀云何外域尚或有吐魯番器昔訝看  
霍罕包貢今復走不寶厚往致頻來所嘉彼亦知獻壽

質厚色葱弗茅蔑

山遵生八牋磁器開  
路曰蔑少損曰茅

定窑之下斯掄

首趙家幅員未逮彼彼何以得故難剖長言紀實非玩  
物更塵深意慎所守

直隸總督楊廷璋奏報收成分數詩以誌事

春莫逮夏首望雨心屏營閏五初始霑麥失大田耕侵  
尋更致多踊懼潦沴行永定既決隄淀復漲津瀛嗟哉  
水鄉民安得室家盈急賑八月施期以救災氓方伯茲  
疏陳秋收約八成此或出諱飾細閱畧悲情順天保定  
津三府潞實丁宣化府遵化趙州其災本屬輕正定與  
順德河間而永平四府及四州冀深如坻復如京截長  
以補短八成言信誠謂失反幸得旋轉慰且兢然此出  
統計向隅原可矜發帑出倉儲

被水州縣勅大吏查勘賑卹例當銀穀兼支因

詔發戶部帑銀五十萬兩並撥截留北倉漕糧及通州倉貯各二十萬石寬裕備賑仍飭督臣董率妥辦俾待食貧民均霑實惠毋任胥吏侵漁中飽

安辦仍丁寧

賦得野無伐檀

五言八韻得揚字鄉試題

義經象茹彙堯典著明揚繼此風人詠思伊魏國章丁  
丁則非遠坎坎韻猶長力食勵無忝素餐愧不遑嘉茲  
伐檀苦繼彼寘河傷預育菁莪盛勤搜仄陋藏野無遺  
邁軸朝有慶明良咨爾釋褐者其何贊典常

閱摺

閱摺日日勤隨到隨批發慎幾在其中未敢以疎忽值  
茲西成逮次第奏章達齊豫晉近畿滇黔蜀天末率皆  
報中稔吾民可資活兩粵及兩浙江南北閩越無不稱  
有收楚則大熟納俗云天下足諺曰湖廣熟天下足所濟誠普潤  
陝甘被偏災賑恤已勅撥統計歲稱豐感謝手加額然  
益戒滿盈輦謙守無悖

八月十三日六旬慶典率內外王公大臣詣

慈寧宮行禮遂御殿受賀爰成長句示志

慈寧愛日麗清暉晉拜躬倡近遠藩重譯來王來賀節

霍罕使臣入貢是

十年一度一臨軒

每歲誕辰率在山莊逢大慶始御殿

日命隨班行禮

受賀

六旬亦自尋常有萬壽徽嫌慶祝繁久道斯之化成

未敬勤兢業最存存

中秋日作

御園今歲餅筵度分外宜人景物撩甫過六星慶南極

怡臨仲節侍

東朝碧雲影向天邊歛丹桂香從月際飄秋日本來勝

春日還思秋日讓秋宵

恭奉

皇太后啟行幸熱河駐蹕木蘭行圍之作

慶辰佳節述都過合奉

慈輿幸熱河習武未宜疏駟鐵矢音恒是詠卷阿

恩深顧復行常侍

恒蒙

慈諭宜循

皇祖每歲

幸

慈體

日益康強每奉豫遊

懿顏

必加豐厚誠亘古未有之

大福慶也

體益康強喜實多納稼更無慮蹂躪潦餘旋轉幸如何



欽定四庫全書

卷九十二

今年閏月中雨水過多瀕河地有被溺者六月以後雨  
暘頗調高阜稼仍美好昨楊廷璋奏統計通省收成八  
分有餘茲蹕路所經則大田悉已登場沿村困鹿  
頗積竟得轉歉為收督臣言果不妄為之慶慰

曉涼

跋馬度煙莊棉衣破曉涼天高露色白日遠樹陰長野  
水潦將盡官郵塵不揚翻犁播秋麥四季總農忙

過九松山

古榦恒看護蘭若新柯又自薄雲霄所羸江表攝山者

曾未荆凡閱六朝

攝山六朝松九株  
向南巡時曾有詠

出古北口感懷

古北復鳴鞭今秋殊往年異常經潦漲格外命恩宣

月六

間潮河異漲衝齧城根舊垣隨圯兵民廬舍亦多有漂  
損者特派大臣同提督王進泰查勘撫卹卽開倉平糶  
以資接濟並發內府金四萬兩倍賞被水兵民補葺屋  
宇仍飭遣工匠繕復城牆今經過則塞門已修築如舊  
室廬亦漸次完整惟城牆則待補築更念災餘物價稍  
昂官兵衣食未免拮据復加恩賞借一季餉銀俾生計  
裕充廬舍苟完矣雉墉未築焉長城真自壞觸景倍悽然  
每歲巡行大學士傳恒無不扈蹕今物故矣去歲征緬  
之役本不欲遣往以其敦請甚力命往經畧乃以勤勞  
受瘴致殞失此賢臣每  
懷耿耿悔之無及矣

出關

出關馬上益逢涼  
迤邐山蹊度野莊  
峽水易流潦未逮  
秋田薄穫圃餘藏  
飛鴻嘹唳高還下  
疊樹菁蔥綠間黃  
吟緒今來圖少輯  
其如觸目有題償

灤陽別墅

行宮灤之陰

喀喇河屯行宮在灤河南

別墅灤之陽  
灤之水至秋仲

斂一舟原可亂而航  
別墅倚山據岡阜  
夏潦已到階基  
傍舊時平川數間屋  
怒浪掀去餘頽墻  
脩築固不必剋

除善後須有方適纔高隴見薄收民無菜色頗似常安  
知下隰未經見保無凍餒鮮蓋臧灤之陽今來益切視  
如傷

至避暑山莊作

慶典原無廢習蒐略遲啓蹕過中秋行將蘭塞千圍合

外藩例脩千  
二百人行圍

且許山莊三日留

今歲啓行遲山莊祇駐  
三日便赴木蘭行圍

錦繡開屏間

去聲

紅綠珮環淙峽互渟流迎鑿萬姓休稱

謝

六月間熱河山水驟漲居民廬舍被淹業已加恩撫  
卹並賞銀葺治屋宇仍發倉粟平糶以資日用今來

萬衆歡呼叩謝朕實虛災  
餘元氣之未能遽復也

元氣還虛可復不

### 永佑寺瞻禮

神御崇居雲日懸到來謁必致誠虔萬方樂利恒貽後  
百世繼繩可忘

前遊豫倍思稚齡日春秋閱忽六旬年明朝更值重讀

詔

每逢  
遺詔三十五年恒如一日也

皇考忌辰必敬讀  
撫已追懷倍黯然

### 碧峯寺

梵宇招提對碧峯六時常寂寺樓鐘不安僧侶談宗教

祇許空巖護象龍

味甘書屋

精藍之後構書廬  
啜茗泉甘得味餘  
一晌南華悟口徹  
緩烹細瀹兩成虛

叢碧樓

乘閒聊拾級樓在碧雲叢  
孰謂全依綠居然半是紅  
越教牖增色可據座觀空去  
歲拈毫沉偶思同不同

秀起堂

中隆峇弗若懸居拱揖羣峯盡俯諸紅葉知從綠葉染  
秋山覺比夏山虛鹿聲聞尚隔叢樾黛色看如入朗疏  
此日昨年漫論彼行雲流水例酬予

出麗正門恭迎

皇太后至避暑山莊即事成什

昨宵數問夜何如為是連朝濶

起居老幼黔黎類善錫動言左右史堪書街衢已復舊

觀矣

六月間山水猝發紅橋以西地勢稍低者市廛  
多被衝損隨倍賞內帑葺治今已整繕如舊

警

蹕奚須遠避諸策馬躬迎

聖母喜六旬子帝掖

安輿

題清舒山館

假山年久似真山  
況有臨階碧水潺  
園裏斯當迤東地  
林端常見矗西鬟  
庭餘落葉聲隨步  
窓納浮嵐色伴閒  
莫訝叩門新客到  
應為據座主人還

玉琴軒



階下有鳴琴聽為哀玉音幻哉更喻幻吟矣豈妨吟原  
是現前水欲忘過去心流泉付不識如是注溪潄

千尺雪

態是冰花意是涼人間無物可相方因名雪耳因還笑  
玉尺阿誰解去量

野灘潦盡挾沙無盛夏新秋瀑總殊真是雪從巖際落  
指看今善副名乎

溥仁寺瞻禮

渡河策馬謁花宮聳倚峯青垣繚去聲紅兩字溥仁含覆  
遍千秋

聖日照臨中誰云佛教異儒教試看不同有大同詎止  
山莊孳萬戶九州

恩澤被無窮

題宜照齋

途便巖城入山齋近偶憑林還標張王二字去聲峯不改峻

增閱盡宛如活學詩可以興於凡總宜照返已懼無能

就松室

就松作新室松古室亦古乃知附青雲馬遷非虛語秋  
仲復既望紅紫繪岵嶬而此弗改者翠恒蔭庭宇便是  
鮮幾間尚應坐少許

却炎榭口號

風颯林梢日入檐坐來猶欲毳衣添塞山秋仲如秋季  
那更重僮說却炎

微雨

八月廿五日

半月晴真好山雲傍午斂  
遂霏珠點細旋晷玉虛勻  
鹿濕避深樾魚喁上蘊淪  
明朝應啓蹕汎灑恰清塵

木蘭行園自熱河啓蹕作

雲收萬嶂喜新晴獵馬虞旌  
值啓程習武繩

前奉

慈訓承歡惜濶繫深情積  
看穀圃秋原穫潤逼蘭衢  
塵不生舊部新藩都效職  
翩聯鞠脆路傍迎

入崖口

崖口入圍場川圍小試張

入崖口後例於平川先試小圍次日方於山中佈大圍

野流左復右塞樹綠蕪黃見獵心猶喜少年習未忘然

今知鄭重弗亟驟龍驤

### 雪獵

雪獵非如雨馳驅興越豪不虞箭羽濕偏喜獸蹤遭

雪鋪

白色獸蹤益顯見

馬習手中彎鷹翻臂上條詩情在何處鏤出

### 玉峯高

即景

秋是木蘭好深秋益可人常年迴蹕候今歲佈園辰

今歲

進哨較每年計遲十日常時重陽前後即可迴至張三營茲則九月初合圍伊始

塞冷雨為雪

境仙地不塵却看活錦繡飄賜玉嶙峋

巴顏布爾哈蘇台放鹿

蒙古語謂富為巴顏謂叢柳為布爾哈蘇是處有柳而多鹿因得名

巴顏真巴顏祁鹿數盈千獵豈不願多過多心轉憐開圍放大半恣其毆深山留者彼何辜去者彼何歡物理有

不齊大公詎易言

儀鎗行

按鎗本鼎類又酒器俗以為刀槍之槍又火器亦名為鎗均誤也作儀鎗行因並識之

羽林中有虎鎗騎用以持鎗尋虎刺闕如負嵎孰敢櫻  
賈勇直前弗退避乃有儀鎗廁其間所司導引為儀衛  
鑾輿發處必前行不取技精取數備短白其褂亦佩鎗  
虎鎗人著短白褂別於衆險谷叢林曾未試虎鎗跋涉覓虎蹤儀鎗

日受虎鎗賜

每日傳餽例有虎鎗之賜皆儀鎗者食之

莊叟寓意說支離世

間誠復有其事

重陽日蒙古王公等進宴即席成什

今歲行蒐十日遲重陽恰度木蘭時登山無地非高處

進宴有心值節期詐馬依然元制度什榜

讀作平聲

底藉漢

威儀歷觀史冊如茲少虔鞏金甌慎自持

雪

九月十一日

塞雲冪嶺漸霏微遂作六花彌谷飛一例玉驄馳磬控



為聲他撒就滿山圍

佈圍今謂之撒圍

配藜合沓亂飛浮鏤莽雕林致最幽却是粘衣盡乾雪

底須止獵學文侯

迷離不辨潛林獸突出還教倒應弦所獲今朝多白鹿

寧煩祥瑞詠文篇

拈毫詠素我原閑創景多欣值此間凍凝去聲罔變應作

滑傳宣明日罷圍還

尚餘塔里雅圖一圍因念雪積山間入夜必凍獵騎蹴滑非宜遂傳

諭罷圍即於十二

日出哨駐張三營

出哨

出哨坐輿行

自京師啟行日乘馬圍畢出哨乃乘輿今歲有勸自啟行即宜乘輿者未從其請也

例然不欲更棉披滿谷暖玉積數峯晴散遣北藩騎評

量秋讞情

每歲此際乃閱秋審冊時人命所繫不敢不慎

圍場一再減所獲尚

豐盈

至避暑山莊恭問

皇太后安喜而成什

三度減圍期

今年較往歲凡減三圍

問

安心早馳趨程瞻

懿履仙境適

慈願廿日

身益健千秋願若斯吾惟知以喜不忍憶宣尼

題願志堂

願志多芸籍

當年樂縹緲仙莊好風日

聖母駐徜徉即此怡

神永故知取義長願言千萬歲伴與正無央

含德齋

已德不欲炫宋儒著涵養人德不欲忌包荒玩易象

奎章勒檐楣含之為義廣韓文更申論能含吉乃享齋  
額當盤銘日新勵敬仰

敞晴齋

常時曠望白雲端數

入聲

息登來竇暢觀落盡葉林山骨

瘦歛開嵐岫宇情寬明窓淨几值餘暇大壑崇巖了不

寒較雨量晴都過矣惟欣暖日烘

去聲吟安

繪韻樓口號

底須設色資丹綠太古雲巖展面前韻語若還擬詩格  
郊寒島瘦或應然

清綺書屋

佳山既沿緣佳處亦徙倚書屋率有書所愧研精旨  
窓一憑眺或復同其理松針後凋翠楓葉前餘紫即目  
玩景光實覺清而綺

梅檀林八詠

霜坂

白露為霜耀日鮮  
玉鋪谷底復山巔  
印來鹿跡疑人跡  
神向飛卿句裏傳

冰池

小小山池渟且澄  
塞寒九月早凝冰  
漫言稀見淪漣趣  
心向不波處可徵

蜃窓

山中朝暮頃增寒暖席坐來久益安却喜蜃窓無障礙  
煙霞變態儘人看

毳幔

到處精廬書幔施慳慳禦冷代為之午暄縱望還因捲  
愧異仲舒久下帷

落葉

蔌蔌蕭蕭點砌墜落來初不藉風吹六韋憶得曾研練  
詞費而今弗爾為

綠蕪

塞外誰云朔氣寒  
向陽原有綠蕪攢  
坐來獨惜瀟溪老  
曾未於斯生意觀

鶴磴

龕鬢羽客喚崇椒  
不放何須更說招  
却笑丹臺伴仙子  
恐應輸此恣逍遙

雀簷

麻雀恒隨屋處安

有屋處必有雀  
無屋處則無

相關樂意啅簷端  
即



今玉塞為靈囿微物應忘紀那干

恭奉

皇太后遊獅子園即景成什

嫩暖輕寒逮小春

是日立冬十月節

山園咫尺稱去聲遊巡

聖慈憶舊增歡豫興慶依前美奐輪雪積巖陰橫鏤玉  
冰垂泉表直流銀鵠原本是樂羣地何事居然獨六旬

項聖謨山館秋深

楓栢已通紅蕉梧微賸綠惟有老蒼松不改蔭書屋書

屋寂几席主人罷吟讀應是往林外高山聊屬目

有真意軒

西峪幽居來往經今年却是此初停為欣齋額有真意  
復訝山容無定形坐愛向陽成永久觀惟忘物得清寧  
千林落盡紅兼紫祇剩巖松蒼戶青

對畫亭

依舊窓開岵嶸間對來畫嶂是冬山林空峯瘦無點綴  
繪事羸他落筆艱

題含清齋

巖齋極西北幽阻弗恒到今朝風日暄肩輿一窮奧林  
姿縱廓落谷勢仍寬窳出陘亦造弘軒楹敞棲嶠青乃  
失以忽含則空成笑憑窓合無欲轉得觀其妙

玉岑精舍

精舍構幽深面檐聳玉岑林空那有色山靜似無心土  
潤鹿留跡霜清鶴隋音坐斯仍問政未可祇耽吟

碧靜堂

烘谷秋陽暖雅宜問景前徑穿出樹杪堂迴坐山巔縱  
目極空濶俗情都棄捐碧天真是靜無際一虛圓

松壑間樓

曲廊高下有階通小小書樓大壑叢誰謂秋山生意少  
綠盤松蓋恰窓中

題永恬居

一徑穿林入人蹤襍鹿蹤山居到成憇俗念覓何從落  
葉無留樹餞秋將柏冬性因恬以永不必問禪宗

素尚齋

斜廊將百級齋乃構其上濟勝步忘疲居高目宜望凸  
巘與凹壑無所逃形狀豈藉繁藻續真存太古樣因之  
坐成久心焉愜素尚

遊創得齋得句

永恬<sub>居</sub>西北去入谷乃創得<sub>齋</sub>以其極幽隘不數<sub>入聲</sub>尋

路仄今朝至山居斯則近咫尺半途而即迴山靈笑孔  
棘谿壑歷數曲趣已殊胸臆人面起峯稜石根出泉液

初訝向未逢徐悟夏霖積琮瑋珠玉滴隱現雲巖泐其  
色固無定其聲亦誰識韶韻廟堂韻非也仙樂格所得  
又為創五字弗能默

夕佳樓

一窓烘暖日半晌棄幾間位置煙霞表依稀佳美間蕪  
存欣近砌葉盡見遙山自是塵氛遠何須更閉關

湧玉亭

處處山溪有水清亭稱湧玉果循名實因今夏經多雨

深憶吾民尚繫情以曰渫然誠滌慮猶聞瑟爾足佳聲  
顧予敢取遊觀適惟是敬勤凜旦明

十月朔日作

入哨三朝行已速

今歲因朕六旬慶節自京啟蹕較常年遲一月餘且閏後節氣亦早至山

莊駐三日即幸木蘭及旋蹕熱河氣候仍然和暖  
聖母深以塞苑願居為適因復駐半月始行回鑾出

圍半月駐猶應明當清蹕言旋矣幾度拈毫得句曾水  
態山容小春麗千秋萬歲

懿歡承朝中此日例頒朔壽錫寰區百廿增

每歲十月朔日例於

午門前頒來歲之朔曾諭司天時憲自辛卯年為始於  
紀年增注六十一歲至百二十歲使花甲環周益綿壽  
世之慶

# 入古北口

朔氣變寒嚴休工春日僉

塞山敗壘顏垣固無事脩葺而此正當路衝觀瞻所繫故

發內帑重築近塞地土凍早城工暫停力作俟春融興工

本無事修葺徒以繫觀瞻

省歲麥籠畝禦冬舍接閭安民企黃霸築塞鄙蒙恬

恭奉

皇太后迴蹕至圓明園即事得句



行秋玉塞奉

慈娛冬孟迴鑒暖尚始

今歲中秋後一日始啟鑒故迴蹕較往歲畧遲而和暖如常故

可喜也連頃宿薺秧正茁兩行官柳葉全無向東又自園

門入望北如忘山路紆體察

精神承

志意扈

遊長此易言乎

雪

十月初九日

前日狂風昨日陰，問宵其雪尚難諶。詢

安剛喜霰絲集，勅政遂看花片侵。

是日問在暢春園集

安後即鳳軒理

事閭闔有煙還，誅蕩樓臺無處不深沈。未曾渴望霑優

澤，益切冰兢凜照臨。

### 詠周應鐘

簾懸當十月，鈕具閱千年。土鏤蔚蒼綠，螭紋隱曲卷。擊

思清廟叶銘撫太和鐫。

是鐘銘鐫太和二字

遐想姬周禮，徒觀器

尚傳

冬至齋居

日精門左側廣殿值齋臨陽復

天心見鴉歸暮色侵政章雖簡奏治理要詳斟更有挑  
燈暇經書趣可尋

冬至

南郊禮成述事

答陽陽復舉

精裡壁帛牲醪薦享彬陟降侑陪惟

列祖

聰明視聽自斯民紀年踐阼茲卅五得歲承

釐逮六旬九級

穹壇七升退趨踰式禮益滋寅

題趙孟頫畫黃庭堅觀磨崖碑圖

似是黔州安置時  
浯溪經過讀顏碑  
底緣識得心傾仰  
將欲登舟返顧遲

民穀數

歲終各省奏民數穀數因成是什

民數益增穀不增食之者衆價常騰別無善策資補苴  
宵旰惟虔祝歲登

詣

雍和宮禮佛疊今歲新正詩韻

趨

庭每憶少年場

邸闕因之叩鹿王法化報身盡裏相去來今世鏡中祥

誰知新歲堦荒喜幻作斯時存沒傷

新正來謁時和親王以領官務在列

因有六旬兄弟相隨逐之句今再過已邈然不可復得曷勝軫惻

了識無生還有恨惟

應慙愧仰威光

雪

十二月十六日

孟冬霑厚澤

十月初九日

兩月隔云遙祈歲吾惟切望雲心

已焦濃陰五更報侵曉六翼飄遂見紛飛密旋成委積

饒先春真是臈凝凍未全消過午晴曦晃欣餘惜轉招

辛卯春帖子

歲報悉新至春先十日來壬辰振繼

立春日  
在壬辰

環轉萬

週迴

東陸軌木盛五行遇水生

是日五  
行屬水

土牛占歲事京兆午


門呈

朝來碧殿煥春曦翰苑箋書帖子詞披讀雖欣多頌語  
不忘規亦每殷斯

除夕

一日復一日忽看一歲消誰云增閏月依舊到今宵栢

葉郁金鼎燭花輝綺寮安排筆和硯明曉頌春椒





御製詩三集卷九十二

欽定四庫全書

集部

御製詩三集卷九十三  
四

詳校官侍郎<sub>臣</sub>謝墉

助教<sub>臣</sub>常循履勘

總校官原任中允<sub>臣</sub>王燕緒

校對官中書<sub>臣</sub>潘奕雋

謄錄監生<sub>臣</sub>陳太初

欽定四庫全書

御製詩三集卷九十三

古今體九十三首

辛卯一

辛卯元旦

璿璣啓篇轉青陽喜爆聲間晃曙光月建繼年生不息

日支符歲茂成祥

是日  
癸卯

間開誅蕩元辰會樂奏中和淑

氣揚花甲初週逾耳順嘉言誰獻弼惟康

元旦試筆

初澤焚煇初律宣玉杓撓挑又週旋

慈寧肇祚開八袞泰岱洪釐祝

萬年肅率晨叅趨鳳闕將扶

春蹕啓龍旌敷天

大慶今朝始更願如斯幾度連

歲紀歲辰冒茆并

今年歲建辛卯元旦辰又逢癸卯

登秋冀卜十分贏

橫章縱亥臨木德春蠢寅蟄驗物情三百六旬一日始

七言八句兩篇成久安長治心斯企耽逸忘勤志敢萌

題邊文進歲朝圖

松栢梅椿蘭水仙靈芝天竺間去聲便娟更看朱柿傍如意名寓其然豈易然

詠白玉如意

盈尺和闐玉良工琢曲瓊惟堅持為錯曰白自含英底藉公孫辯還嗤惠子鳴拍揮供代語靜默足沈情

正月二日重華宮恭侍

皇太后宴喜成長句

月寅年卯日逢辰

是日甲辰合以歲支月建皆東方發生之氣

壽域宏開茂以新

晉書天文志十二次度數壽星在辰史記卯為茂漢書辛為新

大德之徵四胥得

洪疇曰福一先掄重增綺甲普增歲

命欽天監於時憲書紀年下增注六

十一歲至百二十歲自今歲辛卯始

共慶禧冬預慶春入夕眉蟾雖未上

迎階雪象朗如銀

題鄒一桂梅花

石角溪頭月照諸冰香珠影澹如如遙知瘦似枯梅者

梅樣精神未改初

漢玉穀璧

穀以續而生其字並訓善製璧識良珎詎惟襄國典姬  
周逮于今每以幽復顯土氣縛可掬粟粒粟堪辨足食  
豈辭多摛詞義兼演

降旨加賑畿南去歲被水州縣及浙江被湖州縣  
詩以誌事

寰區廣幅員水旱時或有惟當不諱灾乃足福黔首既

用勵已懷亦勗民父母喜咸悉子心有灾無不奏叶昨

歲率報收額慶

天恩厚畿南遭夏沴斯則近腋肘

直屬去夏被水之區保定等處尚輕武清

東安天津靜海等十一州縣所屬較重均有例賑

浙東被風潮大吏騰章剖

浙省

濱海被潮地方及勘不成灾之仁和安吉長興三州縣雖係偏隅凡自七分以上者並命分別加賑

雖皆

屬一隅亦已傷田畝例賑縱早施加調未可後十行此

宜先肯靳司農守

直隸灾地前已撥帑截漕加意撫綏入春青黃不接復行展賑俾裕口食

浙江分數有限非直屬比然自常賑展賑而外即不成灾地畝亦令酌借籽種口糧仍教妥承宣



實惠俾均受弗以豐忘歉弗以多遺偶幸即在其中也  
膏非所取

偶臨懷素草書千字文卷賜尚書于敏中敏中成  
紀恩詩二十四韻以進即用其韻援筆成什仍  
命屬和

悉新入春始冒節紀年初韶律侵尋轉臘寒即漸除幾  
康無間勅章奏有時疏遣暇漏移鵠賡吟硯滴蜍儒臣  
曾賜字客歲偶然書事擬寶文閣體宗君子漁頌雖規

不忘慙則實非虛亦識吾懷否從來弗喜譽因之成五  
字聊以託三餘詎曰妍辭騁惟云素意摠藏真法卓爾  
興嗣句彬如臨越一時興對還中路蹠平心不欲躁逆  
志且為徐何有渴奔驥休稱力挽車手和筆相得箋與

帖俱臚殊異癡蠅凍猶嫌相蜨蘧那須藉排次

每作書先量度

箋幅行款排次起草以備涉筆時旁按比擬規格此慙  
勤殿供奉常式也是摹對本自臨初不經敏中之手因  
特賜之頗覺快爬梳尚多存者賚欣得所於傳觀聽翰

苑謝詠就芸廬既已披華藻謂多鐫美璵

敏中請摹上石是以原詩

有貞石衷誠堪方蔡軸奚用遜莊樗草書起伏頓挫全同勒之句以神行至得意處  
初非繩墨規矩所可囿蔡襄謝賜書詩有云混然器質  
不可寫乃知學到非天真正與莊周大樗之喻別進一  
解予以幾間乘興臨應勗襄兮贊漫孤諸與居雅當繹  
此非欲爭勝藝林也

義府豈止玩絀儲承布司農教母徒耀里閭

題王翬摹古十二幀

園林春午

歌岸柳絲綿綠坡碧草芊有臺臨曲渚無客繫輕船野  
釣纔平水翠樓若隱煙半仙遊戲罷高架靜鞦韆

白雲出岫

一空鋪白絮雙岫罨青螺神以互吞吐韻為相盪摩果

然見石谷曾是出鷗波

見圖中  
自識語

漫向虞廷頌高標隱者

多

夏山欲雨

景是夏山雨法摹吳仲圭中年渾董派側幅重

去聲

翬題

幘邊翬題云吳仲圭夏山欲雨  
猶是董元的派為中年用意筆

萬澗潺湲落千峰蒼蔚

躋風來寺樓滿洗鉢悅招提

松風水閣

水閣雙松下陶家別面開  
三層底須構二老鎮為陪  
風處涼滿袖濤中響殷雷  
瀑聲相問答誰解譜琴材

水流雲起

滄江起怒雲霰雨立披紛  
風勢倏先動雷聲若可聞  
居然展張僧繇畫全是貌韓愈文  
作解利農後天龍豈詎勤

空林積雨

空山霽宿雨處處有泉流  
雲護崖根重露垂樹杪稠  
句

傳王摩詰法是李營邱野岸孤舟繫何曾驚海鷗

煙巒初翠

崑峯初欲霽雲尚護其根已見林容濯如聞瀑水喧遠

天收雨脚古寺靜風旂深得大癡意

輦自識用大癡意寫房山景

房

山底足論

江雨泊舟

江上暴霖作煙舟未可開防風遠石壁待霽聚沙隈旅  
況誠肖矣漁歌亦罷哉水禽獨無礙飛去又飛來

疊嶂澄泉

疊嶂忽怒起其根迸石泉宮商近清聽天水遠澄鮮小

景叔關氏大圖成石田

見幅旁王  
輦自識語

一時叅合相六法喜

兼全

秋原平遠

秋原敞平遠秋氣鬱蕭森樹綴禁風葉鶴彈喉露音石

龕虛月相茅屋空

去聲

塵心津逮知其自倪迂獅子林

是

輦雖未識為倪而結構  
氣韻大類雲林獅子林圖

湖村夜色

夜色湖村別濛濛似雨天樹梢軟欲卧葦葉重疑眠渡  
口空支釣灘頭都繫船猶聞數聲雁嘹唳遠雲邊

修竹寒泉

石罅有泉白埭傍有竹脩寒聲入清影介節映澄流品  
格均臻靜神情自相入聲投何須稱摹古此意足千秋

四瀆詩

江



誰從天漢覓源頭石遺

去聲

支機自有由入徼濫觴始西

發分疆委帶永東流九星璿政象昭宿首瀆裡宗秩視

侯術妙夏珪能縮地却教萬里一圖收

夏珪長江萬里圖入石渠寶笈

上等

按禹貢有岷山導江之文厥後桑經酈注及漢宋諸  
儒並云江出岷山其源不越益州之境此皆囿於內  
地見聞所及非探本之論惟胡渭著禹貢錐指引明  
徐宏祖傳稱其平生好遠遊出玉門關至崑崙山去

中夏三萬餘里嘗作溯江紀源一篇以岷山導江特  
汎濫中國之始按其發源則河自崑崙之北江亦自  
崑崙之南非江源短而河源長也其說實得之目擊  
渭乃以其所經里數吹毛索瘢殊為過當夫崑崙即  
今所謂剛底斯為羣山祖脉其水四方分流然則大  
江之雄長四瀆不徒恃源於西蜀之眉州義復何疑  
但謂江源出天漢則史家不無穿鑿之說耳

淮

夏書桐柏導非訛入海泗沂東會過竒述庚辰能制伏  
封傳天寶賴休和潛流誰識源同醴均勢今資清敵河  
一自尾閭全被占去聲脩防久矣事滋多

按淮水出桐柏山為河南南陽府之桐柏縣據水經  
所紀經由道里則自信陽光州固始歷潁州壽州懷  
遠臨淮泗州宿遷其間由豫而楚初不取道山東之  
境後儒用周官職方正東曰青州其川淮泗之語疑  
若齊楚壤地相接今即以禹貢證之海岱惟青州而

徐州則曰海岱及淮揚州則曰淮海徐揚皆楚分書之標識山川與青州劃然絕不相蒙且鄭康成注周官引鄭衆之說謂其川淮泗淮或為睢原文不無譌舛蓋周官為晚出之書語多傳會其不若禹貢之確可徵信明矣

河

引度荷精星象干曰宗於瀆義猶殫却先洪海務從本不擇細流量實寬為曲由來所為直期清豈必祇期安

蒲昌將謂源新得前漢書原識大端

按導河起於積石特就禹功所託始者而言至溯源  
星宿海如元史所譯火敦腦兒其來脈已可據依及  
平定回部乃知河源自葱嶺以東之葉爾羌和闐諸  
水潴為蒲昌海伏流地中復出為星宿海耳是前漢  
書所云河有兩源一出葱嶺一出于闐于闐在南山  
下北流與葱嶺合固已得其大端但未詳著伏流及  
復出之次第而已向作熱河考曾推類言之茲晰其

緣起如此

濟

潛流原具絕河力曾到濟源源詎曾三伏何妨三見疊  
一通因得一齊稱惟清便濁奚能濁不易為恒果是恒  
南北淮滎紛紀載折中禹貢自相應

按濟水伏見不常漢志及水經並云泰澤一伏東邱  
一見武德入河再伏滎陽軼出再見滎東又伏曹濮  
又見說與禹貢正合酈道元謂濟水出濟源縣王屋

山有東西二源明李濂則云一在橋東一在橋西而  
劉漪又云一在原城東北一在原城西其說齟齬不  
合蓋因伏見無定是以展轉紛歧今濟水自入衛河  
其流益大而衛河之上游為輝縣蘇門山麓之百泉  
實此河朔源所必及又水經注濟水潛行至共山復  
出今濟源輝縣地志並有共山安知輝縣濟源之上  
不更有所謂濟水之源者乎

題呂紀春喜圖

花如吐鵲鳥如生鳥頌花芳互有情最是春光含喜意  
不須著相去聲鵲呼晴

凡涉送喜祝喜之類多有畫喜鵲者失之拘泥矣此  
獨畫麻雀錦雞具見寓意出俗而設色亦精工故是  
佳品

新正重華宮

迓祉初韶又履新重華幾暇致來頻丁年養德茲週甲  
庚月建干似啓辛正月建庚寅傳著宣尼元者善語稱平仲



久而寅紀正康節詩中驗三十六宮都是春

題錢陳羣所進王淵梅雀報春卷即用其韻並書

賜之

貴得其神不貴妍書宗畫法有同傳雀梅一卷詩三首  
妙義還因揭道淵

南枝最識好春歸羞煞海棠獨以肥麻雀偏欣晴雪夜  
淨明香界聚相圍

臘雪先春湊嫩寒展圖詠句興無闌江鄉食履應增健

大愜予懷老者安

同豫軒

西苑例春醺南池憩曉餐

軒在液池南岸紫光閣賜宴外藩每先臨此傳餐待備

徘徊聊待備吟詠適清歡  
篆鼎非煙結華鐙是晝看  
豫同中與外

家法永綏安

寶月樓

傑閣聳宮城蜃窓耀日晶  
俯看肩輹輶深塵治安情  
凍

浦猶遲解新蟾漫逮盈雖然稱寶月未賞玉輪明

涵春室

春涵室亦室涵春默會誠難識主賓輸與盆中梅數朶  
不生分別祇懷新

靜憩軒

石門步岵嶸芸軒造瀟灑巖松喬自如盆梅古而冶金  
碧樓臺間別開境樸雅云靜實謚兮宜憩斯展也塵慮  
漠以忘何有樊然者

補桐書屋有感

補桐桐已蔚重重兒戲寧須翦葉封  
四十年前樂群地馬牛語憶默無惊

題澄懷堂

古屋額澄懷坐欣靜與皆禮園遊竹素歲序驗  
蒼階簾午烘溫旭墀陽萌凍菱形形還色色萬物自安排

靜憩軒口號

欲向書軒憩片刻畿南忽爾塵憂思潦餘賑濟恩周否

自審曾無心靜時

純一齋

古屋春園裏幾閒勝日臨惟純乃得一憶

昔每殷今城市喧何礙松篁致自深簷端瞻

聖藻示訓謹銘心

春耦齋

軒檻俯琳池水光座上披埭篁嘉節報盆卉好春姿名

蹟五牛弄

韓滉五牛圖及項聖謨臨況本蔣廷錫臨聖謨本凡三卷彙弄齋中

餘閒一晌

宜耦耕雖尚早于耜亦斯時

虛白室

壘靠纔過一線天小齋十笏坐清便此間祇合談清樸  
懶看紗鐙綴戶妍

淑清院

分明山是假豈礙樹為真以此成太古居然遠市塵背  
看峰展畫右挹瀑垂紳憩步消清暇澄心識淑春

千尺雪

玉泉流出注長河迸石引來太液波

地當液池之南麓  
牆引池水由石罅

出跳珠懸瀑瀾玉泉來脉自  
長河分漚西苑凡二十餘里

便是吳中果千尺較茲源

遠遜猶多

飛流欲澱激嶙峋小閣三間對水濱  
茂鼎茗甌俱恰當

笑終不是味閒人

素尚齋

拾級步巖磴齋屋巖之上松篁無俗顏  
泉石有奇狀貞元遞嬗代物意知所向  
大塊運化工夫豈勞心匠靜坐

參天倪澹然協素尚

紫光閣賜宴外藩即事有詠

外藩輪歲覲新正例有恩筵示惠榮久罷池邊張廣幕

向於液池旁張黃幕賜宴後因紫光閣武成殿構成遂每於閣中設席

仍因岸側構層甍

六清賜醴迓春祉四壁繪圖告武成禮樂雖云聊暨備  
惕乾敢曰此升平

蕉園

蕉園書舍對僧寮遺制由來踵勝朝為憶士良傳秘訣



翻教施彼罷儒僚

蕉園向以舉人教習小內監讀書年滿錄用而僧舍  
書館相對甚不愜意茲因脩葺是處爰命移置書舍  
他所且若輩不過令識字記檔案而已內府筆帖式  
足以教之母庸儒士訓誨遂並罷之

題閱古樓

寶笈曾收墨蹟真命鐫琬琰壽千春  
細思樓上留名者都是從來閱古人

靜憩軒

白塔明瓊島元時萬歲山滄桑泯象教軒榭傍禪闕一  
憩適欣靜萬幾偶值閒雖非冉相氏亦欲得其環

鄰山書屋

書屋鄰山貯縹緗寧須萬卷侈芸香慶仁仁樂無多語  
訓著魯論四六章

延佳精舍

倚巖成小築坐席暢清陪牡蠣窓櫺眺琉璃境界開畫

真饒氣韻詩不費敲推所以延佳者淑春漸漸來

古遺堂口號

著額安名各別區隨方納景頓成殊一株古樹當庭直  
彷彿其人叔向乎

抱沖室

精室山之陰樸斲深且和因名抱沖室庭前列古柯芳  
菲雖云遙瀟落斯無過可以縱遠睇可以供清哦養此  
方寸田守約得實多

密影亭

虛柱之間納遠巒曦光盪影寫巔峴花甌印指曾無住

駒隙迅過

平聲

即此看

道寧齋

諸葛明之以澹泊君真寧之云以道道者理之所當由  
不妄發實澹泊好語致不同意則同武侯分明注太保  
齋中主人志若何其寧惟祈綏萬寶

見春亭

虛亭若翼假山陂問景延睇立片時草木漫疑鮮芳信  
幾多春意釀於斯

畫舫齋口號

齋臨池上似舟輕畫舫因之遂與名是假是真便真者  
一般凍浦也艱行

綠意廊

曲廊踈蹠步題楣曰綠意俯察草待萌仰觀葉未翳將  
謂綠意無廊名類虛置徐頤向陽處紐芽微微刺乃知

羣雍侯富媼行將試生機弗終窮總一乾元氣

古柯庭

古樹庭前擢古柯誰因生意歎婆娑獨思必有古人對  
爾日風情定若何

得性軒

人賦性以生性實人故有故有而謂得似必所失咎相  
遠之使然克復其可後題軒當銘座右曰納自牖

題鏡清齋

勿混混而濁勿皎皎而清濁已為至鈍清亦嫌太精水  
尚慮無魚人則胥有情清固不可乎試看鏡之呈照物  
靡成見何妨其為明

焙茶塢口號

烹淪中人忙不休到來早漉雪香浮擎杯笑固當如是  
豈是盧仝陸羽流

抱素書屋

拳石可稱峯畝泉可稱沚灑然山水間書屋得於此寧

須命管絃雅宜玩書史辭豈務其華理欲研其旨素志  
抱於何祈年靡終始

澄性堂

軒榭俯水池憑欄愜靜怡真成妙凝合詎必在濶濶澹  
泊契無始流渟涉有為性澄澄性處更與致深思

澹吟室

觸景吟情誰則無箇中工用有同殊蛇神牛鬼為奇者  
詎可與之言澹乎



鏡藻軒

池中有藻行冰合不可見池上有松竹冰端影原現獨  
非藻行乎徹底與貫穿更無藉月光耐可消清燕東坡  
承天寺又覺開生面

清約池

小池有水凍全凝表裏玉壺一片冰散步岸傍得佳會  
不波瀾處是真澄

正月五日重華宮茶宴廷臣及內廷翰林等適新

題學詩堂用以聯句並成是什

東壁圖書貯景陽

後宮左右列十二景陽在左末向為貯圖書之處

新顏後殿

學詩堂緣收趙宋君臣蹟企想姬周禮樂場真弄寧誇

多乃富賡祛無礙論從詳

內府原藏馬和之詩經圖凡十七卷詳加審定去屬本五

卷存真蹟十二卷或昔分今合或昔合今分其闕寫本詩者則為補書秩然就理各為跋以系之景貯堂中

相於有詠仍聯席可識不為猶面墻

初韶茶宴例重華汲古敦今亦孔嘉六義具存欣有繹

一言以蔽曰無邪翫膏鶴醵嫵頻俗琅玕球盤頗近奢

商榷莫非風雅頌左廂直擬鄭玄家

每歲於重華宮延諸臣入列坐左廂

賜三清茶及果飮  
合詩成傳箋以進

新正學詩堂聯句

有序

三陽叶琯韶年恰紀悉新四始臚編文宴端資稽  
古啓書帷而不忘典學錦牋共擘西清徵冊府而  
可與言詩緗帙曾繙南宋原夫乾道旁羅畫史思  
溫獨譜葩經由官禮以溯睢麟開燈丹青義炳備  
貞邪而釐正變彙函黑白塗分迨時訖元明斷楮

零縑莫惜而字傳高孝一枝片羽留玆入尚方而  
八九齊付典籤合檢櫝中燕石存真蹟則二三別  
標繼鑑都探領下驪珠甲乙差排攷數與月辰並  
泱宮商遞應垂聲和鍾呂咸調或緣半以獲全如  
集千狐者豈拋寸腋或昔離而今合譬騰雙劍焉  
寧走孤丸矧若雅若頌之續披依然得所惟稱國  
稱風之加覈必也正名念茲誌實兼圖遂展屏而  
作記嘉彼藝能見道還揭榜以懸題宮是景陽雅

協銓鯨之韻笥分寶笈濃熏辟壺之香乃者五日  
春來

萬年節肇昨介十千於

萱殿茲賡八伯於椒盤無非

延禧迓祉之為不廢聯情論道之舉三爵弗藉七椀寧  
誇過巡既準璿杓具列尤符緯宿統其全如七十  
二候按厥次則八十五篇頌益思規予一人惟曰  
其風尚矣倡諧迭和爾百職固云肄業及之佇陳

無逸之謨蘄嗣有卷之詠

御製

子云何莫學夫詩學在尊聞行所知敦厚溫柔風教

本

申韓齊魯派流貽專門最說毛萇著作繪初由衛

協垂

名畫記晉衛協有詩秦稷圖

篆隸校形碑勒漢臣尹繼善聖賢

表像史稽隋

隋書經籍志梁毛詩聖賢圖三卷

細摹螺植開成製

唐書藝文志毛詩草木蟲

魚圖間成中集賢院繪撰

詳纂衣冠脩己為

名賢畫錄

太和中文宗命程脩己圖毛詩

名昉僅誇龍爪現

臣劉統勲

跡沿未抵

豹斑窺西奎星宿經同顯南渡煙雲象有滋溯自

建炎營草創

臣阿爾泰

洎乎乾道歲表箕志評翰墨親

揮素

宋史藝文志高宗評書一卷亦名翰墨志

法紹家庭嗣寫絕

書史會要

孝宗書有家庭法度

前輩遠宗吳道子

臣官保

御製

良工特屬馬和之杏壇刪後三百輯浙國圖成十二披

閱代久因致散佚

寓人廣乃益華離九歌配載清河舫

張丑清河書畫舫自記所

藏馬和之詩經圖堪與李公麟九歌圖相配

兩帙駢牽鐵網枝

汪珂玉珊瑚網

載有馬和之鵝  
奔定中二圖

幽卷淵源

宋元畫錄項希憲家馬和之幽風圖一卷皆宋

高宗書詩虛其  
後命和之圖馬

出希憲

臣劉

唐編展轉首分宜

存

良家藏唐風十二  
篇云是鈴山堂物

殘縑紀鄭李君實

見李日華  
恬致堂集

整

譚哀陳茅氏維

見維所著南  
陽名畫表

松雪二南

二南圖有  
趙孟頫跋

亦見南陽  
名畫表

看署尾

臣託

夢塘八則儘祛疑

宋莊肅  
字夢塘

所賞馬和之風雅  
八篇並非真蹟

彝尊審定談奚刻

朱彝尊經義  
考列所見和

之詩經圖  
皆非真蹟

承澤掄揚識甚卑

孫承澤詩經圖跋誇  
宋高宗留意詩書之

美漫爾紛紛過瞥眼

臣素

爾訥疇歟燦燦列跣眉零星



漸向

石渠叢詒隨呈

壁府司甲乙昔科臚笈冊

臣于敏中

御製庚寅始滙勝堂楣景陽置笥珎收獨德壽搜書蹟奔

遺去贗存真重品訂

舊藏新入幾參差填郭欲陋珎清玉

中有明人脫臨撫四卷

簡猶嫌當失卮

卿風七篇有圖無書

二頌標三

魯商二頌舊訛合卷標三

頌圖越畦畔

臣王際華

七篇漏一析鄰比

幽風圖舊祇六篇而以破斧一

篇別  
為卷

縫裳句誤為裳句

葛屨圖作縫裳景誤標為公子裳

畜我詞

凌穀我詞

鴻雁什內以我行其野敘黃鳥前蓋裝演之誤

錯鑄小弁

小弁圖訛

標駕鶩  
在梁

其翼戢

臣蔡新

濫竽考牧以肱麾

明人考牧圖訛標無

羊

言提耳矣休牆面是盡骨焉寧相皮要秉別裁

操棄取

臣程景伊

矧邀

朗照察毫釐先登適叶禹疇叙

已入石渠寶笈書者凡九卷

續獲蕪

符羲卦推

續八者凡八卷

買樸肯容肩厠伍

十七卷中刪偽者五卷

臣觀  
保

御製撿瑜恰擬月周碁真蹟凡十二卷曰風曰雅曰頌具或半或

全或襍施一一裝池排順序

雙雙合璧附連毗複繁母使尋常茶

臨本與真蹟複出者有鹿

鳴鴻雁無羊小并諸篇皆從刪

錯綜咸依次第移

改裝黃鳥我行其野二篇以符

經文破斧缺斨歸輦篇

合破斧入幽風全卷臣曹秀先

閱宮垣

野隔那猗

分魯商二頌卷改題

題籤式判完子闕

御筆題籤各因完闕立例

撰跋條疏妍與媼

真蹟十二卷各有跋刪卷亦分識鑒別之

題

華什芟朱

遵詒注

笙詩不入什蓋集傳以前舊本如此  
跋中詳其說 臣金性

栗牋

補邶蘊瓌奇

御書邶風  
六篇以補其闕

褫更玉軸爰畫一

圖冊皆改為卷

儲並琅函異數奇

彙函  
藏弁

尚寶核徵

孝宗補書一卷  
取陸師道跋說

供採撫

臣奉  
寬

華亭拘隘摘瑕疵

取正董其昌題破  
斧為趙孟頫畫

原書仍貫芸驅蠹繼鑑增鈐鈕握螭

凡已入書各  
卷雖經考訂

第印石渠繼鑑璽以  
別之其書仍而不改

旨概無邪言可蔽

臣錢  
維城

御製

卷開有益往能追忠臣恒慮不得志

右邶風北風  
舉一例餘

君

子還思弗改儀

右鄭風  
風雨

更詠雞鳴勵勤政

右齊風  
雞鳴

偶拈鷺翹節遊嬉

右陳風宛邱

羔羊田畯至則喜

右豳風七

月呦鹿嘉賓鼓且吹

右鹿鳴之什鹿鳴

誦德臺萊申樂只

右南有嘉魚之什南  
山有臺臣莊存興

留賢苗藿縷人伊

右鴻雁之什白駒

大夫夙夜惟寅否

右節南山之什雨無正

多士顯承無斁斯

右周頌清廟之什清廟

天錫公純嘏奕奕

右魯頌閟宮之什謝墉

日躋

聖敬假遲遲

右商頌長發

義賅衆體興比賦訓總大端

承志持美刺犁然懸鏡攝

臣王杰

貞淫割若界塗歧

山川縣邈城隍壯室宇森沈車馬駭草木蟲魚彰

物曲

臣毛  
輝祖

御製

兵農禮樂造邦基傳神頗似顧加鬣契妙渾如匡解

頤八十五篇聚精粹

寸分尺幅驗成虧等勻麝劑元霜汁齊瀉鷺溪白

雪絲羽集吉光庸見少

臣李  
中簡

劒騰斗氣那終睽較

量已勝三千逸

古詩三千孔子刪詩僅存什一今  
於三百篇中已得十分之三

計數將盈七百期呵護六丁投縹篋

臣邊  
繼祖

深嚴四

庫秘

彤墀

宮緣念典應從類

記為興觀足借規通達外逢名理貺

臣汪永錫

和平內養性

天怡卑棲習鄙偏安宋景行懷慙右饗姬展也

敷文繫此盛

臣胡高望

御製洵哉論世豈予欺几陳孰匪鑒今道鐘動都資汲古

時底藉宋弘正容諷

詎徒趙鼎沃心咨

玉海宋高宗書車攻篇賜趙鼎策其夙夜勉勵

孔居參

侍繒殊渲

馬和之別麟有考經圖

策蚪文筆並摘

宋高宗嘗手書尚書

春秋禮器辨章翻鼎稿

欽定禮器圖於本朝典制恭詳非張鼎崇義三禮

國之舊臣曹文植

耕蠶勸俗仿樓剖

內府有程聚傲樓璫耕作蠶織詩圖亦

經釐定合弄並篆刻耕織圖廡間

殿楹巨幃

座溫飽

正大光明殿西壁張幽風圖

獵碣

高吟埒鼎彝

御製有石鼓歌並命榻本篋藏

佳玩迴非娛視聽

臣金

松士



元音夙已沁肝脾調諧律呂賡

韶濩揖讓聲情軼鷁岐藻績

春生誠倬彼

御製生春詩二十首  
命畫院繪屏 臣彭元瑞

丹青部彙早

禕而

乾隆已未  
御製小序特申以詩設教之旨

命寫毛詩全圖

鯉庭指日

蠲

臨蹕

東巡

上將以二月初

臨詣曲阜

鰲禁循年例燭熙請付鄭箋歐譜匹

臣沈初

御製問侔藝諫瞽箴誰闕睢麟趾通為治清廟明堂企仰

思聯席挾豪答韶祉返躬却每愧於茲

題王穀祥花鳥冊

野梅翠雀

五五三三朶瀟瀟落落姿翩然來翠雀小住得橫枝豈  
羨雕籠好那知煖窖宜以幽閒適性畫者具深思

水仙紅梅

梅紅水仙白斟酌有權衡豈較肥芳瘦何妨弟與兄丰  
姿各遠俗格調總標清詮出宋玉賦非闕施著成

梨花白燕

燕子銀為羽梨花玉作粧  
風前態相似月下色難詳  
聲氣應求合紀謚兄弟方  
畫家工度曲三疊拍霓裳

杏花燕子

高下凌風葉淺深  
暈露粧施朱嫌太赤  
不語亦含辭  
何處烏衣女  
翩來白日虧  
紅綃鋪帖妥  
下剪意還遲

緋桃白頭翁

綠綠紅紅續枝枝  
葉葉敲佳禽  
饒樂意名卉  
立芳梢駐

得春前景堪成世外交如何張子布却訝與相嘲

牡丹

春到鼠姑科春光欲漸過問誰堪作殿捨此更於何葉  
襯綠璫褥花擎紫璫窠莫憐惟一朶增許使嫌多

紅薔薇

薔薇各色有紅者致稱佳金錠麗娟買錦袍陳濬諧何  
妨號野客頗可伴幽齋傍出略多刺須防莫浪揩

筍籃

春泥刷春筍藉用葉青青一體非彼此三生認色形蘇

翁偈堪悟

用東坡玉版生事

沈老畫稱靈

內府有沈周寫生卷畫筍極為精妙

偶

憶韜光寺携籃我亦曾

### 枇杷果

枇杷因葉名夏月果方成體備四時氣枝擎百顆瓊漫  
耽甘可口須識味移情建業相誇耀居然呼蠟兄

### 白蓮

白雲自有鄉綽約試霓裳雨過通身淨風來滿意涼聲

為水仙操色是道人粧展看難成詠祇聞撲鼻香

蘭

花雖四時有品格獨宜春幽實不論地芳寧復待人采  
曾聞作佩葉亦可為紳比似康成宅香應竹素勻

萱

黃花開韡韡綠葉發萋萋夜玉層籠砌秋金滿布蹊含  
芳風度別散影月華低我獨憐行役殷然詠伯兮

秋海棠

攜得春園號重開，秋砌花北牆恨猶託。後洞艷偏誇四  
出迎風，嬈千葩畏日斜。侍兒酸態在祇合住裴家。  
見史

桃

不獨花宜玩，還饒果供

去聲

餐家丞那可忘

去聲

庶子未虛

看。瓢剖綠冰滑，液流翠露寒。瑤池有仙種，却隔海漫漫。

寶相花

寶相名誰贈，薔薇別種分。朱葩光借日，綠葉影搖雲。曰  
色固無奪，其香若可聞。持將比丘對，定復有疑贗。

菊花

淡淡踈踈筆斜斜  
整整枝不衫不履  
意絕俗絕塵  
安裒露真堪掇  
傲霜豈炫奇  
徐黃稱妙手  
精緻覺多為

石榴

顆擎火齊艷  
實孕水晶圓  
笑似開口杜  
便如果腹邊  
摘時爭出手  
剖處欲流涎  
三品大蒙貢

回部平定時駐守大臣以彼中所產

石榴蘋果木瓜三種來貢曾為詩以紀其事

曾因摘藻篇

松



伏雨初佈種秋成摘滿筐窮簷供卒歲老圃喜經霜此  
味勝他味南方遜北方

菘白菜也北方者佳  
南方莖薹大不及

莫輕寒儉

物玉食也應嘗

### 芙蓉

根陸宜照水芙蓉豈浪名飄蕭態絕俗艷裔色猶清白  
驚波依浴鯉魚風欲生美人青鏡句獨步祇飛卿

### 棨花

抱月飄煙質凌冬傲雪花遜梅惟是白不若亦稱棨瓣

染輕紅疊鬢攢淡赭斜設饒香味噴迴顧定林家

盆中枸杞

大邑甕盆妥植生却老枝綠瓊葉雲佈火齊子珠垂壽  
可延千歲名猶殊四時賦成史子玉亦復寓深思

硯山

陶泓常作伴人北爾恒南架合琉璃筆貯宜水月龕情  
田發藻思墨雨潤煙嵐比似江花吐斯應太華叅

柏枝綬帶鳥

丞相祠堂種孫枝亦鬱森  
猶然依老幹翩爾集佳禽

幅寫生動

穀祥畫本廿三幅舉成數也

一時寓抱襟如將擬夏綺綬

帶那縈心

御製詩三集卷九十三